


Պոլեմարենտ բոլոր երկրների, միացե՛ք

ՀԿՊ ԿԻՆՏԿՈՄԻ

ՊՐՈՊԱԳԱՆԴԱՅԻ ԵՎ

ԱԳԻՏԱՅԻՆՅԻ ԲԱԺԻՆ



№ 21

ՆԱԵՍՏԱԵՐ

1954

ԲՈՎԱՆԴԱԿՈՒԹՅՈՒՆ
Նյութեր գրույցների համար

էջ

Հայաստանում Սովետական կարգերի հաստատման 34-րդ տարեդարձը 1

Առաջավորների փորձից

Ինչպես հասանք բամբակի բարձր բերքատվության— Էջմիածնի շրջանի Փարաքար գյուղի Միկոյանի անվան կոլտնտեսության նախագահ Ա. Սարգսյանի պատմածը 21

Ազիտացիոն աշխատանքի փորձից

Ն. ՂԱՐԱՔՅՈՋՅԱՆ— Ցուցադրական ազիտացիան ֆարրիկայում 23

Օգտագործիչ գրույցի ճամբակ

Համաժողովենական գյուղատնտեսական ցուցահանդեսի «Հացահատիկ» պալիլիոնը 34

Մշակատավորության աղքատացումը ու քայքայումը կապիտալիստական երկրներում (Բվեր և փաստեր) 40

Օգնություն օգիտատուներին

Թեմաներ և դրականություն ազիտատուների գրույցների համար 45

Խմբագրության նասցեն.— Երևան, ՀԿՊ Կենտկոմ, Պրոպագանդայի և ազիտացիայի բաժին: Հեռախոս 2—52—78:

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

**ՀԱՅԱՍՏԱՆՈՒՄ ՍՈՎԵՏԱԿԱՆ
ԿԱՐԴԵՐԻ ՀԱՍՏԱՏՄԱՆ 34-ՐԴ
ՏԱՐԵԴԱՐԶԸ**

1920 թվականի նոյեմբերի 29-ին Հայաստանի աշխատավորները Կոմունիստական պարտիայի ղեկավարությամբ, ուսմեծ ժողովրդի օգնությամբ տապալեցին դաշնակնների արյունոտ տիրապետությունը և հաստատեցին սովետական իշխանությունը: Անդլո-ամերիկյան խմբերիալիստների ու նրանց ստոր գործակալներ դաշնակների լծից հայ ժողովրդի ազատագրումը Հոկտեմբերյան Սոցիալիստական Մեծ ռևոլյուցիայի ձեռք բերած հերթական հաղթանակներից էր: Դրանով հայ ժողովուրդը փրկվեց ֆիդիկական բնաջնջման սպառնալիքից և ազգային վերածնության հնարավորություն ստացավ, մտավ սովետական բազմազգ, ազգային ժողովուրդների մեծ ընտանիքի մեջ ու սկսեց իր նոր, երջանիկ կյանքի կերտումը:

Հայաստանի աշխատավորության այդ

1250-54

պատմական հաղթանակը ջերմորեն ողջու-
նեցին պարտիայի առաջնորդ մեծ Լենինը և
նրա հավատարիմ աշակերտ ու զինակից
Ի. Վ. Ստալինը: Հայաստանի Ռեվոլյուցիոն-
նով ուղարկած իր հեռագրում Վ. Ի. Լենինը
գրում էր. «Ողջունում եմ խմպերիալիզմի
լծից ազատագրված աշխատավորական Սո-
վետական Հայաստանին»: Ողջունելով սո-
վետական վարդերի հաստատումը Հայաս-
տանում, Ի. Վ. Ստալինը նույն թվականի
դեկտեմբերի 4-ին «Կեցցե՛ Սովետական Հա-
յաստանը» հոգվածում գրում էր. «Տանջված
ու բազմաշարշար, Անտանտայի ու դաշնակ-
ների ողորմածությամբ սովի, քայքայման ու
գաղթի մատնված Հայաստանը, բոլոր «բա-
րեկամների» կողմից խաբված այդ Հայաս-
տանը, այժմ իր փրկությունը գտավ այն քա-
նի մեջ, որ իրեն հայտարարեց սովետական
ներկիր»:



Անցած 34 տարիների ընթացքում հայ ժո-
ղովուրդը սովետական մյուս ժողովուրդների
մեծ ու հզոր ընտանիքում, պարտիայի
լենինյան-ստալինյան ազգային քաղաքա-
կանության շնորհիվ հասավ չտեսնված նվա-
ճումների ու հաղթանակների: Հետամնաց ու
աղքատ ներկից Հայաստանը դարձավ բարձր

— 2 —

դարգացման հասած սոցիալիստական ուն-
պուրիկա, ուր բազմակողմանիորեն զարգա-
նում ու ծաղկում է ձևով ազգային, բովան-
դակությամբ սոցիալիստական կուլտուրան:

Սովետական իշխանության տարիներին
Հայաստանում բուռն թափով զարգացավ սո-
ցիալիստական արդյունաբերությունը, հատ-
կապես ծանր ինդուստրիան: Ռեսպուբլիկա-
յում կառուցվել են խոշոր մետալուրգիական,
դաղճահաշինական, քիմիական և այլ գոր-
ծարաններ, վիթխարի էլեկտրակայաններ,
հարյուրավոր սննդի ու լայն ապական ա-
ռարկաների գործարաններ ու ֆաբրիկաներ:
Միայն վերջին տարիների ընթացքում կա-
ռուցվեցին տասնյակ նոր խոշոր գործարան-
ներ ու արդյունաբերական այլ ձեռնարկու-
թյուններ: Նոր կառուցված և արդեն շարք
մտած գործարանների թվին են պատկա-
նում՝ հիդրոտուրբինների, գեներատորների,
տրանսֆորմատորների, վաբելի, մետաղա-
հատ դաղճահանների, ալյումինի, կոմպրեսոր-
ների, էլեկտրաշափիչ գործիքների, ավտո-
մոբիլային ու տրակտորային պահեստի մա-
տերի արտադրության, ժամացույցների, հը-
րակայուն աղյուսի, մահուրի և այլ գործա-
րանները, որոնց մասին, նույնիսկ երազել
չէր վարելի նախասովետական Հայաստա-

— 3 —

նում: Այժմ սովետական տարիներին ստեղծված արդյունաբերական ձեռնարկությունները մի քանի օրում տալիս են այնքան արտադրանք, որքան տվել էին Հայաստանի բոլոր արդյունաբերական ձեռնարկությունները միասին վերցրած ամբողջ 1913 թվականին:

Տարեցտարի աճում է մեր ուսպուլիկայի արդյունաբերական արտադրանքի թողարկումը: 1951—53 թվականների ընթացքում ուսպուլիկայի արդյունաբերության համախառն արտադրանքը աճեց 53 տոկոսով, որը 1940 թվականի մակարդակը դերազանցում է մոտ 3 անգամ: Եթե 1953 թվականին արդյունաբերության համախառն արտադրանքի աճը 1952 թվականի համեմատությամբ կազմում էր 18,5 տոկոս, ապա այս տարվա առաջին կիսամյակում անցյալ տարվա նույն ժամանակամիջոցի համեմատությամբ աճը կազմում է 19,4 տոկոս: Մեծ շափերով ավելանում է նաև մեկ բանվորին ընկնող արդյունաբերական արտադրանքի թողարկումը: Այսպես, օրինակ, եթե մեկ բանվորին հասանելիք արդյունաբերական արտադրանքը 1952 թվականին 1951 թվականի համեմատությամբ աճեց 6,2 տոկոսով, ապա 1953 թվականին 1952 թվականի համեմա-

— 4 —

տությամբ այն աճեց ավելի քան 7,7 տոկոսով:

Համեմատաբար արագորեն է աճում քիմիական արդյունաբերության, մեքենաշինական և մետալուրգիական ձեռնարկությունների, ինչպես նաև էլեկտրաէներգիայի ու ցեմենտի արտադրության ծավալը:

Սովետական Հայաստանը անցած 34 տարիների ընթացքում ստեղծել է բարձր զարգացած թեթև և սննդի արդյունաբերություն: Միայն 1953 թվականին, 1940 թվականի համեմատությամբ, մետաքսե գործվածքների արտադրությունն ավելացավ մոտ 17 անգամ, կոշկեղենինը՝ 3 անգամ, մահճակալներինը՝ 7 անգամ, պահածոներինը՝ 2,5 անգամ և այլն: Բացի այդ, առաջիկա երկու տարում յուրացվելու է 30 տեսակի լայն սպառման արդյունաբերական ապրանքների և 25 տեսակի պարենային ապրանքների արտադրություն: Այդ ծրագրի կենսագործման նըպատակով առաջիկա 2—3 տարում ուսպուլիկայի արդյունաբերության մեջ ներդրվելու է մոտ մեկ միլիարդ ռուբլի: Ուսպուլիկայում 1953 թվականի համեմատությամբ 1954 թվականին բրդյա գործվածքեղենի արտադրությունը կաճի 165 տոկոսով, իսկ 1955 թվականին՝ 226 տոկոսով, կոշկե-

— 5 —

ղենինը՝ 1954 թվականին 40 տոկոսով, 1955 թվականին՝ 46 տոկոսով, ալյումինե ամանեղենի արտադրությունը՝ 1954 թվականին 1953 թվականի համեմատությամբ կաճի 5,2 անգամ, իսկ 1955 թվականին նույն ժամանակաշրջանի համեմատությամբ՝ 7,8 անգամ և այլն:

Ժողովրդական սպառման վարիքների համար տեսարարելիացում վառուցվելու են 64 նոր ձեռնարկություններ՝ այդ թվում Երևանում՝ տեքստիլ-գալանտերիայի ֆաբրիկա, մսի կոմբինատ, վաթի գործարան, Կիրովականում՝ վարի ֆաբրիկա, կահույքի ֆաբրիկա, Սևանում՝ գորգերի կոմբինատ, փնչպես նաև տեսարարելիայի տարբեր վայրերում՝ հանքային ջրերի գործարաններ, խոշոր ձեռնարկություններ՝ կերակրի աղի հանույթի և մշակման համար, հացի նոր գործարաններ և այլն:

Զարգացման բարձր տեմպեր ունի նաև մեր էլեկտրաարդյունաբերությունը: Հայաստանում ցարիզմի ժամանակ միայն մի քանի մանր էլեկտրակայաններ կային, որոնք դաշնակցության օրոք համարյա իսպառ քայքայվեցին ու շարքից դուրս եկան: Սովետական իշխանության տարիներին Հայաստանը պատվեց խոշոր, միջակ ու մանր էլեկտրա-

— 6 —

կայանների խիտ ցանցով: Ռեսպուբլիկայում ներկայումս գործում են 112 էլեկտրակայան:

Նկատի ունենալով արդյունաբերության ու ժողովրդական տնտեսության մյուս ճյուղերի զարգացման գործում էներգետիկայի կարեւոր դերը, Հայաստանի Կոմունիստական պարտիան ու Սովետական կառավարությունը ձեռնարկել են նոր միջոցառումներ ուսպուբլիկայի էներգետիկ բազայի ընդարձակման ու հզորացման ուղղությամբ: Որոշված է արագացնել Սևան-Զանգու կասկադի նոր շինարարության, փնչպես նաև Այրոսի հիդրոկայանի, Ստալինի անվան ջրանցքի վրա կառուցվող հիդրոկայանի և այլ կայանների շինարարության տեմպերը, ձեռնամուխ լինել Որոտան գետի էներգետիկ ուսուրաները օգտագործելու պրոբլեմի լուծմանը:

Աճման ու զարգացման հիանալի ցուցանիշներ ունի նաև ուսպուբլիկայի գյուղատնտեսությունը: Անընդհատ ավելանում է գյուղատնտեսության համախառն արտադրանքը, կուտնտեսությունների և սովխոզների ցանքային տարածությունները, անասունների գլխաքանակը և մանավանդ ՄՏ կայանների տեխնիկական զինվածությունը: Սկսած 1950 թվականից մինչև 1954 թվակա-

— 7 —

նը հացահատիկային կուլտուրաների ցան-
քային տարածությունները ամեն տարի 30
հազար հեկտարով ընդարձակվել են: 1952
թվականին, 1913 թվականի համեմատու-
թյամբ հացահատիկային կուլտուրաների բեր-
քատվությունն ավելացել է 2,2 անգամ, իսկ
բամբակի բերքատվությունը՝ 2,4 անգամ:
Տարեցտարի աճել է կոլտնտեսությունների
տնտեսական հզորությունը: Այսպես, Երի-
նակ, Ռեսպուբլիկայի կոլտնտեսությունների
դրամական եկամուտները 1953 թվականին,
համեմատած նախապատերազմյան 1940
թվականի հետ, ավելացել են ավելի քան 2
անգամ, իսկ արտադրության հիմնական մի-
ջոցներն ու անբաժանելի ֆոնդերը՝ երեք ու
կեսական անգամ:

Անշեղորեն կենսագործելով ՍՄԿՊ Կենտ-
կոմի Սեպտեմբերյան, Փետրվար-մարտյան
և Հոկտեմբերյան պլանումների պատմական որո-
շումները, այս տարի էլ՝ ավելի աճեցին կոլ-
տնտեսությունների հանրային եկամուտնե-
րը, անբաժանելի ֆոնդերը և արտադրության
հիմնական միջոցները, ինչպես նաև կոլ-
տնտեսականների եկամուտները: Ընթացիկ
տարում գերակատարվել է հացահատիկային
կուլտուրաների ցանքի պլանը, անթերի ևն
վատարվել բամբակենու և ճակնդեղի ցանքի

— 8 —

պլանները, 33 տոկոսով ավելի կարտոֆիլ,
23 տոկոսով ավելի բանջարեղեն և 8 տոկո-
սով ավելի վերահյուսկուրաներ են ցանվել,
քան անցյալ տարի: Այս գյուղատնտեսական
տարում խոշոր նվաճում է նաև այն, որ մեր
ռեսպուբլիկայի կոլտնտեսությունները առա-
ջին անգամ 3 հազար 325 հեկտար տարածու-
թյան վրա կարտոֆիլի ու բանջարեղենի
ցանքն ու տնկումը վատարեցին քառակուսի-
բնային եղանակով:

Հայաստանում այժմ կա 754 կոլտնտե-
սություն, 39 սովխոզ, 58 մեքենա-տրակ-
տորային կայան: Կոլտնտեսությունների ու
սովխոզների դաշտերում աշխատում են
հազարավոր տրակտորներ, կոմբայններ ու
բարդ գյուղատնտեսական մեքենաներ:
Կոլտնտեսությունների 95 տոկոսը ար-
դեն սպասարկվում է ՄՏԿ-ների կող-
մից, որոնց տրակտորային պարկը 1953
թվականին ավելացավ 2,7 անգամ, իսկ կոմ-
բայնների թիվը՝ 2,5 անգամ: Հաճելի է իմա-
նալ, որ մեքենա-տրակտորային կայաննե-
րը արդեն վատարում են ավելի քան 90 տե-
սակի գյուղատնտեսական աշխատանքներ:
Գյուղատնտեսության հիմնական պրոցեսնե-
րի մեքենայացման շափերով մեր ռեսպուբ-
լիկան վանդնած է առաջին շարքերում և

— 9 —

դպրիտրեն գերազանցում է կապիտալիստական մի շարք առաջավոր երկրների: Այսպես, օրինակ, անցյալ տարի ցրտահերկի 87 տոկոսը, աշնանացանի 62 տոկոսը, հացահատիկային կոլտուրաների բերքահավաքի 49 տոկոսը, բամբակի ու ճակնդեղի ցանքի մըշակման 100 տոկոսը կատարվել է մեքենաների միջոցով:

Ռեսպուբլիկայում անվիճելի հաջողություններ են ձեռք բերվել նաև անասնաբուծությամբ ընդհանուր վերելքի՝ ինչպես անասունների գլխաքանակի աճման, այնպես էլ նրանց մթերատվության բարձրացման բնագավառում: Արդեն 1952 թվականին խոշոր ձիջերավոր անասունների գլխաքանակի գրծով 1940 թվականի մակարդակը գերազանցվեց 30,7 տոկոսով, իսկ մանր ձիջերավոր անասուններինը՝ 81,5 տոկոսով: ՍՄԿՊ Կենտկոմի Սեպտեմբերյան պլենումի որոշումներից ելնելով, Հայաստանի Կոմունիստական պարտիայի 17-րդ համագումարում խնդիր դրվեց այս տարի ռեսպուբլիկայի խոշոր ձիջերավոր անասունների գլխաքանակն ավելացնել 5 տոկոսով, ընդ որում կոլտնտեսություններում կովերի գլխաքանակն ավելացնել 27,8 տոկոսով, ոչխարներինը՝ 10 տոկոսով, իսկ մոտակա տա-

— 10 —

րիների ընթացքում կոլտնտեսությունների ֆերմաներում կովերի գլխաքանակն ավելանալու է 40—50 տոկոսով:

Հայաստանի անասնաբույծների հաջողություններն ակնառու են: Բոլոր կոլտնտեսություններն էլ ունեն 4—5 անասնաբուծական ֆերմաներ: Այս տարի կազմակերպված Համամիութենական գյուղատնտեսական մըշտական հայակապ ցուցահանդեսում ներկայացվել են Հայաստանի շատ կոլտնտեսություններ ու սովխոզներ: Համամիութենական գյուղատնտեսական ցուցահանդեսի Հայկական ՍՍՌ-ի պավիլիոնում լայնորեն ներկայացված են Հայաստանի կոլտնտեսությունների ու սովխոզների հիմնալի նվաճումները: Ցուցահանդեսի ավելի քան 1140 թեկնածուների մեջ հաշվվում են մի քանի տասնյակ կոլտնտեսություններ, 12 գիտահետադոտական հաստատություններ, մեկ պատանի բնասերների խմբակ, մեկ սելեկցիոն կայան, հարյուրավոր բրիգադիրներ ու օղակավարներ, 36 ֆերմա, 4 ՄՏ կայան:

Ռեսպուբլիկայի 237 կոլտնտեսություններում ու սովխոզներում գյուղատնտեսական կարևորագույն զբաղմունքներից մեկը խաղողի մշակությունն է: Արդեն անցած 34 տարիների ընթացքում խաղողի այգիների

— 11 —

տարածությունը ավելացել է չորս անգամ: Մեծ հաջողություններ են ձեռք բերվել նաև պտղաբուծության ասպարեզում: Այս տարի խաղողի այգիների տարածությունը կավելանա 1000 հեկտարով, պտղատու այգիներինը՝ 1500 հեկտարով, իսկ առաջիկա 2—3 տարիներում՝ ավելի քան 6000 հեկտարով, ընդ որում՝ Ալավերդու, Աղիզբեկովի, Շամշադինի և Իջևանի շրջանները վեր են ածվելու խաղողագործության նոր օջախների և ավելի մեծ տեղ են բռնելու նշի, ձիթենու, սերկեխի, նուաճ և մերձարևադարձային մի շարք այլ կուլտուրաները: Խնդիր է դրված այնքան ավելացնել խաղողի և մրգեղենի արտադրությունը, որպեսզի իսկական արատության հասնենք նաև այդ բնագավառում: Ռեսպուբլիկայի կուլտուրասություններում այս տարի կատարվել է 15 հազար հեկտար կարտոֆիլի, 8500 հեկտար բանջարանոցային կուլտուրաների և 1500 հեկտար բոստանային կուլտուրաների ցանք:

Ռեսպուբլիկայի աշխատավորները խոշոր աշխատանք են կատարել նաև խամ և խոպան հողերի յուրացման գործում: Զերմորեն արձագանքելով պարտիայի և կառավարության կոչին, մեր ռեսպուբլիկայի քաղաքներից և գյուղերից գյուղատնտեսության հար-

— 12 —

յուրավոր մասնագետներ, մեխանիզատորներ մեկնել են նոր յուրացվող հողերի շրջանները և այժմ հաջողությամբ մասնակցում են խամ և խոպան հողերի յուրացման համապետական, համաժողովրդական նշանակություն ունեցող գործին:

Ժողովրդական տնտեսության անընդհատ վերելքի հիման վրա տարեցտարի ավելի ու ավելի է բարձրանում ժողովրդի նյութական, կուլտուրական բարեկեցությունը: 5-րդ հրամայակի անցած 3 տարիներում ՍՍՌՄ ծանր արդյունաբերության արտադրանքն ավելացավ 46 տոկոսով, իսկ ժողովրդական սպառման ապրանքներինը՝ 45 տոկոսով: Խոշոր չափով բարձրացավ աշխատանքի արտադրողականությունը, որի շնորհիվ 1940 թվականի համեմատությամբ երկրի ազգային եկամուտն ավելացավ ավելի քան երկու անգամ, որն է՛լ ավելի բարձրացրեց աշխատավորների նյութական-կուլտուրական բարեկեցությունը:

Բավական է ասել, որ միայն անցյալ տարի շարք մտան ժողովրդական սպառման ապրանքներ արտադրող 300 նոր ձեռնարկություններ, որի շնորհիվ տարվա երկրորդ կեսին երկրին տրվեց 30 միլիարդ ռուբլու շատ ապրանք, քան նույն տարվա առաջին

— 13 —

կեսում: Այս տարի ժողովրդական սպառման ապրանքների արտադրությունը տեղի է ունենում նոր, ավելի լայն մասշտաբներով: Ժողովրդի նյութական բարեկեցության նկատմամբ պարտիայի ու կառավարության հոգատարության ցայտուն արտահայտություններից մեկն էլ ապրանքների գների սիստեմատիկ իջեցումն է: 1947 թվականից մինչև այսօր յոթ անգամ կատարվել է լայն սպառման ապրանքների մանրածախ գների իջեցում, որից բնակչությունն ստացել է միլիարդավոր ռուբլիների օգուտ, իսկ 5-րդ հնգամյակի 4 տարիների ընթացքում ապրանքների գներն իջել են ավելի քան 25 տոկոսով:

Ժողովրդի նյութական բարեկեցության բնագավառում ձեռք բերված այդ հաջողությունները ընդհանուր են հղբայրական բոլոր ռեսպուբլիկաների, այդ թվում նաև Սովետական Հայաստանի համար: Բանվոր-ծառայողների ռեալ աշխատավարձի աճման և կոլտնտեսականների եկամուտների անընդհատ բարձրացման շնորհիվ, ռեսպուբլիկայում տարեցտարի ավելանում է պետական ու կոոպերատիվ առևտրի մանրածախ շրջանառությունը: Այսպես, օրինակ, ռեսպուբլիկայում 1953 թվականին նախորդ

— 14 —

տարվա համեմատությամբ ապրանքաշրջանառությունը ավելացավ ավելի քան 20 տոկոսով: Նախատեսված է 1954—56 թ. թ. բացել հասարակական սննդի 114 ձեռնարկություն և 547 նոր խանութ ու կրպակ և այդպիսով զգալիորեն ընդարձակել ռեսպուբլիկայի առևտրի ցանցը:

Աշխատավորության առողջության պահպանման և ապահովման նպատակով պարտիան ու կառավարությունը հսկայական միջոցներ են նախատեսում հիվանդանոցների, պոլիկլինիկաների, լաբորատորիաների, վուրորտների, հանգստյան տների, բժշկա-սանիտարական բաղմաթիվ այլ հիմնարկների ու միավորների ցանցի ընդարձակման համար: Տարեցտարի ավելանում են նաև սոցիալական ապահովության գծով տրվող վենսաթոշակները ու նպաստները (այդ վճարումները, ռեսպուբլիկայում 1953 թվականին, 1940 թվականի համեմատությամբ, ավելացել են 3,7 անգամ): Մեր Վերկրում իրականացված է ձրի բուժօգնությունը: Բաղմազավակ մայրերն ստանում են պետական նպաստներ: Անցյալ տարի առողջապահության համար բյուջետային հատկացումները գերազանցեցին 1940 թվականի մակարդակը մոտավորապես

— 15 —

3 անգամ, իսկ նախասովետական ժամանակաշրջանի համեմատությամբ, հիվանդանոցային մահճակալների թիվն ավելացավ ավելի քան 38 անգամ:

Ինչպես ամբողջ Սովետական Միության մեջ, այնպես էլ մեր ռեսպուբլիկայում լայն ծավալ է ընդունել կոմունալ և անհատական բնակարանային շինարարությունը, որը աշխատավորության կուլտ-կենցաղային պայմանների բարելավման կարևոր պայմաններից մեկն է: Վերջին ևերի տարում բնակարանային շինարարության համար կատարված հատկացումները հասնում են 204 միլիոն ռուբլու, իսկ այս տարի բյուջեով նախատեսված է անցյալ տարվա համեմատությամբ 56,6 տոկոսով ավելի գումար: Այս հնգամյակում ռեսպուբլիկայի քաղաքներում ու բանավանդներում բնակարանային շինարարության համար նախատեսված է ներդնել 551 միլիոն ռուբլի գումար: Նախատեսված է ռեսպուբլիկայի քաղաքներում և գյուղերում ծավալել անհատական բնակարանային լայն շինարարություն: Բնակարանային լայն շինարարություն է ծավալվել հատկապես Երևան, Լենինական, Կիրովական, Ալավերդի և այլ քաղաքներում: Երե-

— 16 —

վանք դարձել է ՍՍՌՄ-ի նշանավոր սոցիալիստական քաղաքներից մեկը:

Խոշոր հաջողություններ են ձեռք բերվել ժողովրդական լուսավորության, կուլտուրայի, գիտության, արվեստի ու գրականության առաքարեղում: Ռեսպուբլիկայի պետական բյուջեի 45 տոկոսը հատկացված է միմիայն ժողովրդական կրթության կարիքների համար: 1953—54 ուս. տարում ռեսպուբլիկայում գործում էին 1148 հանրակրթական դպրոցներ, որոնցից 314-ը միջնակարգ, 656-ը յոթնամյա, 178-ը տարրական: Ռեսպուբլիկայի բոլոր տեսակի դպրոցներում սովորում էին 315 հազար աշակերտներ, իսկ ուսուցիչների թիվը կազմում էր ավելի քան 16.000 հոգի:

Այս ուսումնական տարում բացվեցին մոտ 30 նոր հանրակրթական միջնակարգ դպրոցներ, էլ ավելի մեծացավ աշակերտների ու ուսուցիչների թիվը:

Ռեսպուբլիկայի վերք խոշոր քաղաքներում՝ Երևանում, Լենինականում և Կիրովականում արդեն 7-ամյա կրթությունից անցում է կատարված դեպի ընդհանուր 10-ամյա միջնակարգ կրթությունը:

Հայտնի է, որ նախադեկտյուցիոն Հայաստանում ոչ մի քարձրագույն դպրոց և գիտա-

— 17 —

1250-54

հետազոտական հաստատություն չկար: Սովետական իշխանության տարիներին ռեսպուբլիկայում ատեղծվեցին բազմաթիվ բուհեր ու գիտահետազոտական հիմնարկներ: Այժմ ռեսպուբլիկայում գործում են 12 բուսացիոնար ԲՈՒՀ, որոնցում սովորում են ավելի քան 12.000 ուսանող, 5 հետազոտություններ և 44 տեխնիկում: Ռեսպուբլիկայի ԲՈՒՀ-երն ու տեխնիկումները ամեն տարի հազարավոր մասնագետներ են տալիս Երկրի ժողովրդական տնտեսության բոլոր ճյուղերի ու ժողովրդական լուսավորության, կուլտուրայի, գիտության, արվեստի ու սպորտի բնագավառների համար:

Աշխատավորության կոմունիստական դաստիարակության գործում կարևոր նշանակություն ունի գրքի հրատարակությունը: Դեռ 1952 թվականին ավարտվեց Վ. Ի. Լենինի Երկրի ժողովածուի 4-րդ հրատարակության 35 հատորների և Ի. Վ. Ստալինի Երկրի ժողովածուի 13 հատորների լույս ընծայումը: Այս տարի լույս տեսավ Կ. Մարքսի «Կապիտալ»-ի առաջին հատորի նոր հրատարակությունը, շարունակվում է մարքսիզմի կլասիկների առանձին աշխատությունների հրատարակությունը: Ռես-

— 18 —

պուբլիկայի ամեն մի ընկերին տարեկան ընկնում է 9—10 մամուլանոց միայն հայերեն հրատարակվող 11—12 անուն գիրք:

Ռեսպուբլիկայում աննախընթաց մերելք ապրեց նաև գիտական միտքը: Անցած տարիներին ռեսպուբլիկայի գիտնականները կարևոր ավանդ մուծեցին սովետական առաջավոր գիտության մեջ: Առանձնապես խոշոր նշանակություն ունեցան աշխարհահռչակ գիտնական Վ. Համբարձումյանի, ակադեմիկոսներ Ալիխանով և զբայրյանների և ուրիշների նոր հայտնագործությունները:

Ռեսպուբլիկայի գիտական մտքի կենտրոնը՝ ՀՍՍՌ Գիտությունների ակադեմիան, իր գոյության ավելի քան տասը տարիների ընթացքում մշակել է տեղական, միութենական և համաշխարհային նշանակություն ունեցող մի շարք կարևոր պրոբլեմներ և լուծել է ժողովրդատնտեսական մեծ նշանակություն ունեցող բազմաթիվ հարցեր:

Ակադեմիան ունի 30-ից ավելի գիտահետազոտական հաստատություններ և ավելի քան 600 գիտական և գիտատեխնիկական աշխատողներ: 1940 թվականի համեմատությամբ ռեսպուբլիկայի գիտնականների թիվն աճել է ավելի քան 2,2 անգամ:

— 19 —



Սովետական բոլոր ժողովուրդներին, այդ թվում և հայ ժողովրդի ձեռք բերած պատմական հաղթանակները արդյունք են Կոմունիստական պարտիայի և Սովետական պետության ճիշտ քաղաքականության, պարտիայի լենինյան-ստալինյան ազգային քաղաքականության:

Կոմունիստական պարտիայի ղեկավարությանը վերածնված հայ ժողովուրդը ՍՍՌՄ ներգայրական ժողովուրդներին հետ միասին կառուցեց սոցիալիզմ և այժմ էլ նույն մեծ ու հզոր ընտանիքում հաստատ քայլերով ընթանում է դեպի կոմունիզմի լուսաշող դալթները:

ԱՌԱՋԱՎՈՐՆԵՐԻ ՓՈՐՁԻՑ

ԻՆՉՊԵՍ ՀԱՍԱՆՔ ԲԱՄԲԱԿԻ ԲԱՐՁՐ ԲԵՐՔԱՏՎՈՒԹՅԱՆ

Էջմիածնի շրջանի Փարաբար գյուղի
Միկոյանի անվան կոլտնտեսության
նախագահ Ա. ՍԱՐԳՍՅԱՆԻ
պատմածը

Սոցիալիստական գյուղատնտեսության հետագա զարգացման վերաբերյալ Կոմունիստական պարտիայի և Սովետական կառավարության վերջին տարիների պատմական որոշումները նշեցին բոլոր կոլտնտեսների գծով բարձր բերքատվության հասնելու հիմնական ուղիները: Թեև վերված այդ որոշումներով, մեր կոլտնտեսության աշխատողները լարեցին իրենց բոլոր ուժերը 1954 թվականը բամբակի բարձր բերքի տարի դարձնելու համար: Այդ նպատակին հասնելու առաջին հիմքերը մենք դրեցինք 1953 թվականից:

Բամբակի ցանքի համար առանձնացված 150 հեկտար հողային տարածության յուրաքանչյուր հեկտարի վրա շաղ տվեցինք 500

կիլոգրամ սուպերֆոսֆատ, ապա սկսեցինք ցրտահերկը: Դրանով մենք նախօրոք հողը ապահովեցինք բույսի աճման համար անհրաժեշտ սննդանյութերով: Եկան դեկտեմբեր ու հունվար ամիսները: Այդ ժամանակամիջոցում վերադասավորեցինք աշխատող ձեռքերը՝ միավորելով նրանց երեք բրիգադաներում: Յուրաքանչյուր բրիգադայի ամրացւինք 50 հեկտար հողամաս, ինչպես նաև անհրաժեշտ արտադրական միջոցներ: Վերակոմպլեկտավորեցինք նաև օդակները: Ձյունը հալվելուն պես, օդակներին հանձնարարվեց ամենակարճ ժամկետում իրենց ամրացված հողակտորները մաքրել մոլախոտերից ու ավելորդ ցողուններից, որից հետո կոլտնտեսության ազդեցությամբ Ա. Ավետիսյանի առաջարկով ամբողջ տարածության վրա կատարվեց չիզելացում և հարթեցում: Այդ արդեն 1954 թվականի մարտի վերջերին էր: Ապրիլին, 40 հեկտարի հասնող թույլ հողերը պարարտացրինք տեղական պարարտանյութերով, իսկ դրանից հետո խոշոր ուշադրություն դարձվեց բամբակի սերմի նախապատրաստման վրա: Ցանքից առաջ, զանազան հիվանդությունների դեմ պայքարելու նպատակով, սկզբում այն ախտահանեցինք ֆորմալինով, իսկ հետո սերմի ծլունակությանը նպաստող

— 22 —

ամոնիում սուլֆատով, որը միաժամանակ հանդիսանում է նաև պարարտանյութ: Ախտահանումից հետո սկսեցինք ցանքը, որը կատարվում էր ազդեցողությունների լրիվ պահպանմամբ: Պլանով նախատեսված 10-օրյա ժամկետի փոխարեն, մենք այդ աշխատանքը ավարտեցինք 7 օրում (ապրիլի 17—23-ը):

Ցանքին ղուղընթաց կատարում էինք ցելաչուր: Ցելաչուրից հետո սկսեցինք բամբակենու առաջին մշակությունը, որը նույնպես ավարտեցինք խիստ սեղմ ժամկետում: Սակայն մենք չհանգստացանք նախնական այդ հաջողություններով: Բամբակի դաշտերի լիարժեքությունը ստուգելիս պարզվեց, որ տեղ-տեղ սերմերը չծրելու հետևանքով, մնացել են բաց տարածություններ: Առանց ժամանակ կորցնելու, այդ բաց տեղերը անմիջապես լրացրինք նախօրոք ախտահանած ու յարովիզացված սերմերով:

Երբ բամբակենին արդեն բավականին բարձրացել էր, սկսեցինք համատարած նոսրացումը: Երկրորդ նոսրացման ժամանակ բարձր բերրիության հողերում բույսը քույսից թողեցինք 15 սմ. հեռավորության վրա, իսկ միջին բերրիության հողերում՝ 12 սանտիմետրի վրա: Այդ հանգամանքի շնորհիվ բամբակի պլանտացիաները դարձան լիար-

— 23 —

ժեք: Այս տարի յուրաքանչյուր հեկտարի վրա կար 90—100 հազար քամբակի բույս:

Քամբակենու նկատմամբ կոլտնտեսական ներքի ռմեցած հոգատար վերաբերմունքի մասին են փոստում հետևյալ սխառները: 150 հեկտարի վրա միայն գյուղատնտեսական այս տարում կատարել ենք քաղհան՝ 6 անգամ, կոլտիվացիա և ակոսահանում՝ 4 անգամ, ջուր՝ 7—9 անգամ, սնուցում՝ 3 անգամ: Առաջին սնուցումը մենք կատարեցինք քամբակենու կոկոնակալման շրջանում, հեկտարին տալով 150 կիլոգրամ սուպերֆոսֆատ և 100 կիլոգրամ ամոնիակային սիլիտրա, երկրորդ սնուցումը՝ ծաղկի փրկալու պահին, հեկտարին տալով 150 կիլոգրամ սուպերֆոսֆատ և 200 կիլոգրամ ամոնիակային սիլիտրա, երրորդը՝ համատարած ծաղկաշրջանում, հեկտարի վրա շաղ տալով միայն 150 կիլոգրամ ամոնիակային սիլիտրա: Հողին տրվող պարարտանյութերի այդպիսի քանակը միանգամայն համապատասխանում է պետական պլանով հեկտարից նախատեսվող 20—22 ցենտներ քամբակի հումք ստանալուն:

Քամբակի բարձր բերքն ապահովող վերահիշյալ բոլոր միջոցառումների գործադրումից հետո, մենք սկսեցինք նախապատրաստվել բերքահավաքին: Ամենից առաջ, ըստ բրի-

— 24 —

գադանների, կազմեցինք քամբակի բերքահավաքի սեպտեմբեր և հոկտեմբեր ամիսների գրաֆիկ-պլան: Ձեռք բերեցինք լրացուցիչ կշեռքներ ու կշռաքարեր, քարդաններ ու գոգնոցներ: Վերանորոգման ենթարկվեց յուրաքանչյուր բրիգադայի բամբակապահատը: Ամեն մի բրիգադայի տրամադրեցինք մեկական ավտոմեքենա և երկուական ֆուրգոն: Այդ բոլորից հետո, քամբակի առաջին կրնգուղները բացվելուն պես, մենք կազմ ու պատրաստ սկսեցինք բերքահավաքը: Շրնորհիվ մեր լավ աշխատանքի, հենց առաջին օրից սկսած՝ քամբակի հանձնման օրվա պլանը գերակատարեցինք 4—5 տոննայով, որը հավասար էր տարեկան պլանի կատարման 3 տոկոսին: Պլանների գերակատարմանը նպաստում էին մի շարք հանդամանքներ, որոնց վրա ես հարկ եմ համարում համառոտակի կանգ առնել: Դրանցից ամենից գլխավորը երեք գոգնոցով միաժամանակ աշխատելն էր: Այսինքն, մեկական գոգնոցի փոխարեն, գրեթե բոլոր աշխատողները շանաքի ժամանակ վերցնում էին ֆրեքական գոգնոց: Յուրաքանչյուրը լցվելուց հետո, թողնվում էր տեղում և միայն վերջին գոգնոցը բամբակով լցվելիս՝ աշխատողը փրնայելով ժամանակն ու անցնելիք տարածու-

— 25 —

թյունը, երեքը միանգամից տեղափոխում էր բարդանի մոտ։ Վերադառնալով, նա կրկին աշխատանքը շարունակում է նույն սխառնմով։ Երկրորդ հանգամանքը, դա զույգ ձևերով չանաքելն էր, որը կոլտնտեսությունում մասսայական բնույթ է կրում։ Եվ Երրորդը՝ այդ աշխատաժամանակի ռացիոնալ օգտագործումն էր։ Բոլոր չանաքավորները աշխատանքի էին դուրս գալիս վաղ առավոտյան և վերադառնում ուշ երեկոյան։ Ահա այս հանգամանքներն էին, որ նպաստեցին սեպտեմբեր ամսվա պլանի կատարողականը 60 տոկոսից հասցնելու 70 տոկոսի։ Հոկտեմբերի տասնչորսին մենք արդեն կատարեցինք պետության հանդեպ մեր պարտավորությունը՝ մթերական հանձնելով 3345 ցենտներ առաջին տեսակի բամբակ։ Այժմ մենք բամբակ ենք հանձնում պլանից դուրս։ Բավական է ասել, որ հոկտեմբերի 11-ից մինչև 25-ը մեր պլանի կատարողականը հասել է 113 տոկոսի։ Պետությունը պլանից ավել 433 ցենտներ բամբակ ենք հանձնել։

Այժմ, Երբ դեռ շարունակվում է բամբակահավաքը, կոլտնտեսությունը ձևոնամուխ է եղել եկող տարվա գյուղատնտեսական աշխատանքների նախապատրաստմանը։ Արդեն կոլտնտեսության սլահեստ է տեղափոխ-

— 26 —

ված 100 տոննա սուրերֆոսֆատ, որով պարարտացվելու են բամբակի համար առանձնացված ցրտահերկ հողամասերը։ Բամբակագործական երեք բրիգադաներն էլ իրենց հերթին նախապատրաստվում են բերքահավաքից անմիջապես հետո մաքրել ցրտահերկի տակ դրվող դաշտերը։

Բարձր բերքի համար մղված մեր երկարատև ու անխոնջ աշխատանքն իլուր չանցավ։ Բարձր ղնահատելով ձեռք բերված հաջողությունները, Հայկական ՍՍՌ Մինիստրների Սովետը վերջերս մեր կոլտնտեսությանը նվիրեց մեկ բեռնատար ավտոմեքենա, իսկ կոլտնտեսության ղեկավար ու շարքային աշխատողներին՝ թվով 50 հոգու դրամական պարգև տվեց։

Ոգեորված այդ հաջողություններով, մենք այժմվանից լարում ենք մեր բոլոր ուժերը 1955 թվականը բամբակի ավելի բարձր բերքի տարի դարձնելու համար։

ՑՈՒՑԱԴՐԱԿԱՆ ԱԳԻՏԱՑԻԱՆ
ՖԱՐՐԻԿԱՅՈՒՄ

Ն. ՂԱՐԱԳՅՈՁՅԱՆ

Երևանի դպրոցական պիտույքների
ֆարրիկայի ազիտատոր

Մեր ֆարրիկայի պարտկազմակերպությունը աշխատանքի ուսանելի փորձ ունի ցուցադրական ադիտացիայի միջոցով պարտիայի և կառավարության որոշումները մասսայականացնելու, արտադրության առաջավորներին խրախուսելու, նրանց աշխատանքի փորձը տարածելու գործում:

Ֆարրիկայի աչքի ընկնող տեղերում փակցված են պատվո-տախտակներ, լողունդներ, պլակատներ, կոշեր, մրցության արդյունքներն ամփոփող տախտակներ և այլն:

Այս բոլորը տարբեր ձևերով ցույց են տալիս, թե ինչ խնդիրներ են դրված գործարանի առջև և ինչպես են դրանք կատարվում: Առաջինը, որ ֆարրիկայում աչքի է ընկնում, դա պատվո-տախտակն է, որտեղ փակցված

— 28 —

են ֆարրիկայի 27 առաջավորների լուսանկարները: Պատվո-տախտակի շուրջը փակցված են գեղարվեստորեն ձևավորված լողունդներ, ինչպես, օրինակ, «Աշխատանքի արտադրողականությունը վերջին հաշվով ամենակարևորը, ամենագլխավորն է նոր հասարակարգի հաղթանակի համար», «Բնակչությանը տանք բարձրորակ արտադրանք» և այլն:

Դիտելով ցուցադրական ադիտացիայի նյութերը, կարելի է հեշտությամբ գաղափար կազմել գործարանի և նրա առաջավորների մասին: Բացի այդ, ֆարրիկայի յուրաքանչյուր ցեխում, յուրաքանչյուր բանվորի մեքենայի մոտ փակցված է օրվա պլանների կատարման ընթացքը ցույց տվող տախտակ: Յեխի պլանների կատարման ընթացքը ցույց տվող տախտակում նշվում է տրվյալ ցեխի պլանի կատարողականը, սկսած ամսվա սկզբից, մինչև վերջը: Ամսվա վերջին ցեխի կոլեկտիվը քննարկում է տվյալ ամսվա պլանի կատարման ընթացքը, բացահայտում է գոյություն ունեցող թերությունները, նշում է միջոցառումներ թերությունները վերացնելու և հտ մնացողներին առաջավորներին հասցնելու համար:

— 29 —

Ցեխերում յուրաքանչյուր բանվորի պլանի կատարման վերաբերյալ կա հատուկ տախտակ, որը ցույց է տալիս, թե նա ինչպես է կատարում տվյալ ամսին ստանձնած պարտավորությունները: Այսպես, ցուցադրական այդ տախտակից իմանում ենք, որ տետրակի ցեխի բանվորուհի Հ. Բաղդասարյանը անցյալ ամսվա պլանը կատարել է 180—200 տոկոսով: Աշխատանքում գերազանց ցուցանիշներ ունի Գ. Քանքանյանը: Նա ֆաբրիկայի ամենաառաջավոր նորարարն է: Բազմաթիվ են նրա մտցրած ռացիոնալիզատորական առաջարկությունները: Այժմ ֆաբրիկայում տետրերը կարվում են Գ. Քանքանյանի հնարած մեքենայով, որը կրկնապատիկ շատ արտադրանք է տալիս: Միայն տետրակի թղթի գծումը մեքենայացնելու վերաբերյալ նրա վերջերս կատարած նորարարական առաջարկությունները ֆաբրիկային տարեկան տալիս են 36 հազար ռուբլու տնտեսում: Այդ և մյուս նորարարների առաջարկությունները, որոնք ֆաբրիկային տնտեսական մեծ օգուտներ են բերել, ագիտկոլեկտիվը ցուցադրական ագիտացիայի միջոցով լայնորեն մասսայականացրել է:

Տասնյակ լուղունգներ ու պլակատներ կան

— 30 —

Ֆաբրիկայի ցեխերում, որոնք բանվորներին կոչ են անում պլանները կատարել ժամանակին, տալ գերազանց որակի արտադրանք, ժամանակից շուտ կատարել մրցությամբ ստանձնած պարտավորությունները, իջեցնել ինքնարժեքը, կիրառել խնայողության ռեժիմը և այլն: Ահա այդ լուղունգներից մի քանիսը՝ «Ավելի լայնորեն արմատավորենք աշխատանքի առաջավոր մեթոդը», «Պետական պլանի կատարումը օրենք է», «Որակական ու քանակական բարձր ցուցանիշներով կատարենք օրվա առաջադրանքները» և այլն:

Պարտիական կազմակերպության ղեկավարությամբ ագիտկոլեկտիվը պայքարում է խոտան արտադրանքը իսպառ վերացնելու համար: Այդ գործում լայնորեն օգտագործվում է ցուցադրական ագիտացիան: Ֆաբրիկայի ամենաաչքի ընկնող տեղում փակցված են երկու տախտակներ. մեկի ճակատին գրված է. «Տալիս են բարձրորակ արտադրանք», իսկ մյուսին՝ «Տալիս են վատորակ արտադրանք»: Առաջին տախտակում խրախուսանքի են արժանանում բարձր որակի արտադրանք տվող բանվորներն ու բանվորուհիները, իսկ երկրորդ տախտակում

— 31 —

պարսաւանքի են ենթարկւում խոտանա-
րարները: Այնուհետև հերթական զրույցի
ժամանակ ունկնդիրներին բացատրում են
խոտան արտադրանք տալու պատճառները
և պատմում այն միջոցառումների մասին,
որ ձեռք է առնված խոտան արտադրանքը
վերացնելու համար: Ցուցադրական ագիտա-
ցիայի այդ միջոցը խրախուսում է ետ մնա-
ցողներին՝ հասնելու առաջավորներին:

Ագիտիկոնիկտիվը ցուցադրական ագիտա-
ցիան լավագույն ձևով օգտագործում է սոց-
մրցությունը ծավալելու և ստանձնած
պարտավորութիւնները պատվով կատարե-
լու համար:

Յուրաքանչյուր ցեխում աչքի ընկնող տե-
ղում փակցված են գեղարվեստորեն ձևա-
վորված սոցմրցության պայմանագրեր և
դրանց կատարման ընթացքի գրաֆիկան:
Միաժամանակ յուրաքանչյուր ցեխում կա
սոցմրցության հաշվառման տախտակ, որ-
տեղ գրանցվում են մրցության արդյունքնե-
րը: Այսպես, օրինակ, տպագրական ցեխի
սոցմրցության հաշվառման տախտակը
ցույց է տալիս, որ ցեխը ամսվա պլանը կա-
տարում է 140—150 տոկոսով: Ցեխում աշ-
խատող բոլոր բանվորներն էլ կատարում են

— 32 —

ստանձնած պարտավորութիւնները և տալիս
են գերազանց որակի արտադրանք:

Այս բոլորի հետ միասին ֆաբրիկայում
կան նաև լուրջ թերութիւններ: Ագիտիկոնե-
կտիվը դեռևս ցուցադրական ագիտացիան
վատ է օգտագործում աշխատանքային կար-
գապահութիւնը խախտողներին մասսայա-
կան պարսաւանքի ենթարկելու համար:
Դեպքեր են լինում, երբ ոմանք ճիշտ ժա-
մանակին չեն ներկայանում աշխատանքի
կամ աշխատանքի ժամին խոսում են մի-
մյանց հետ, ծխում արգելված տեղերում
և այլն: Ծաղրանկարների միջոցով նմաննե-
րին պետք է քննադատել ու պարսաւել:

Ցուցադրական ագիտացիան հզոր միջոց է
աշխատավորների կոմունիստական դաս-
տիարակութիւնի գործում: Այն պետք է օգ-
տագործել ժամանակին և նպատակասլաց
կերպով:

ՀԱՄԱՄԻՈՒԹԵՆԱԿԱՆ ԳՅՈՒՂԱՏՆՏԵՍԱԿԱՆ ՑՈՒՑԱՀԱՆԴԵՍԻ «ՀԱՑԱՀԱՏԻԿ» ՊԱՎԻԼԻՈՆԸ

Հացահատիկի արտադրությամբ մեր երկիրը աշխարհի ամենախոշոր ւերկրներից մեկն է: ՍՍՌՄ-ում գյուղատնտեսության տեխնիկական հագեցվածության աճման և հողագործության կուլտուրայի բարձրացման հետ մեկտեղ անընդհատ ավելանում է ապրանքային հացահատիկի արտադրությունը: Եթե 1926—1927 թվականին հացահատիկի ապրանքային արտադրանքը կազմում էր 10,3 միլիոն տոննա, ապա 1952—1953 թվականին այն հասավ 40,4 միլիոն տոննայի:

Մեր ւերկրում հացահատիկային տնտեսության ասպարեզում ձեռք բերված նվաճումների, առաջավոր կուլտնտեսությունների, ՄՏ կայանների և սովխոզների, գիտա-հետազոտական ինստիտուտների և փորձակայանների հաջողությունների մասին է վառ կերպով խոսում Համամիութենական գյուղատնտես-

— 34 —

սական ցուցահանդեսի «Հացահատիկ» պավիլիոնը:

Պավիլիոնի նախադահլիճում պատմվում է այն հսկայական ռեզերվների մասին, որ ունի Սովետական Միությունը գյուղատնտեսական ամբողջ արտադրության հիմքը կազմող հացահատիկային տնտեսության հետագա ընդարձակման գործում: Երկրի միայն արևելյան շրջաններում խամ ու խոսլան հողերի տարածությունը հասնում է տասնյակ միլիոն հեկտարների: Արդեն այս տարի խամ հողերում ստեղծվել է 124 հացահատիկային սովխոզ, որոնք զինված են գյուղատնտեսական առաջնակարգ տեխնիկայով: Մյուս սովխոզների հետ միասին, այդ սովխոզները մոտակա ւերկու—երեք տարում պետությունը կհանձնեն տարեկան առնվազն կես միլիարդ փութ հացահատիկ:

Նոր հողերի յուրացման հաշվին հացահատիկային կուլտուրաների և գյուղատնտեսական մյուս կուլտուրաների ցանքատարածությունը 1955 թվականին կհասցվի առնվազն 15 միլիոն հեկտարի, իսկ 1956 թվականին՝ 28—30 միլիոն հեկտարի:

Կոմունիստական պարտիայի կոչով նոր հողերի յուրացման շրջանների ՄՏ կայաններն ու սովխոզներն են ժամանել ավելի

քան 150 հազար որակյալ բանվորներ, ինժե-
ներներ ու տեխնիկներ, ագրոնոմներ և գյու-
ղատնտեսության այլ մասնագետներ:

Պավլիկոնի Կրկրորդ և երրորդ դահլիճնե-
րում ցուցադրված է առաջավոր կոլտնտեսու-
թյունների, ՄՏ կայանների և սովխոզների
փորձը, որոնք ցորենի բարձր բերք են ստա-
ցել տարբեր բնական-կլիմայական և հողա-
յին գոտիներում:

Այցելումների մեջ հատուկ հետաքրքրու-
թյուն է առաջ բերում Կուրգանի մարզի Շադ-
րինսկի շրջանի կոլտնտեսությունների փոր-
ձը, որոնք անցյալ տարի դարձանացան ցո-
րենի 22 հազար 573 հեկտար ցանքատարա-
ծության յուրաքանչյուր հեկտարից միջին
հաշվով ստացել են 15,1 ցենտներ բերք:
Այդ առաջավոր շրջանի կոլտնտեսություն-
ներն իրենց դաշտերում լայնորեն կիրառում
են հողի մշակման և գյուղատնտեսական
կուլտուրաների ցանքի այն նոր նշանակնե-
րը, որ մշակել է կոլտնտեսային գիտնական,
Ստալինյան մրցանակի լաուրեատ, «Լենինի
պատգամները» կոլտնտեսության դաշտավար
Տերենտի Սեմյոնովիչ Մալցևը:

Տեղական պայմաններից ձևելով՝ հողի
մշակման նոր սխեման՝ արմատավորման
փորձեր են դրվում նաև մյուս մարզերում,

— 36 —

երկրամասերում և ռեսպուբլիկաներում: Գոր-
կու մարզի Սլոբոդսկի ՄՏ կայանի գործու-
նեության գոտու կոլտնտեսություններն, օրի-
նակ, ավելի քան հազար հեկտար հող մշա-
կելու են այդ նոր սխեմանով:

Պավլիկոնի չորրորդ՝ «Սելեկցիա և սերմ-
նաբուծություն» դահլիճում լայնորեն ցուցա-
դրված են գիտա-հետազոտական հիմնարկ-
ների և փորձակայանների հաջողություննե-
րը: Այցելումներն այստեղ տեսնում են գիտ-
նականների, ականավոր սելեկցիոներների
սրբարքները: Այդ թվում՝ Ա. Շեխուրգինի
պորտրեն, որը ստեղծել է դարձանացան ցո-
րենի բարձր բերքատու մի քանի սորտեր, ո-
րոնցով կատարված ցանքերը 1953 թվակա-
նին կազմում էին ավելի քան 10 միլիոն
հեկտար, Ն. Յիցինի պորտրեն, որն ստեղծել
է բարձր բերքատու ցորենի հիբրիդներ՝ 599,
186 և 1, որոնք լայն տարածում են գտել սե-
վահողային գոտու շրջաններում, Կ. Յուրևի
պորտրեն, որը մեր գյուղատնտեսությանը
տվել է հացահատիկային կուլտուրաների 15
նոր սորտեր, որոնցից ինը շրջանայնաց-
ված է:

Պավլիկոնի հինգերորդ և վեցերորդ դահ-
լիճներում լավագույն տնտեսությունների օ-
րինակներով ցույց են տրված տարեկանի,

— 37 —

գարու, վարսակի, ձավարատու և լորագգի կուլտուրաների մշակման գործում ձեռք բերված նվաճումները, մեթոդներն ու եղանակները:

Սովետական իշխանության տարիներին ցորենի մշակութունը ընդգրկել է նոր շրջաններ: Հյուսիսի, հյուսիս-արևմուտքի և արևմուտքի շրջաններում հացահատիկային կուլտուրաների ընդհանուր ցանքատարածության մեջ ցորենի ցանքերի տեսակարար կիշիւր 1913 թվականին կազմում էր 1, 5 տոկոս, իսկ 1952 թվականին՝ 18, 2 տոկոս, ոչ սևահողային գոտու կենտրոնական մարզերում համապատասխանորեն՝ 1, 8 և 16, 2 տոկոս:

Հազարիական ՍՍՌ Կոկչետավի մարզի Ռուզանի շրջանի «Լուսավոր յուղի» կոլտնտեսությունը 1952—1953 թվականին յուրացրեց 1842 հեկտար խամ ու փոպան հող և 1953 թվականին գարնանացան ցորենի ցանքերի յուրաքանչյուր հեկտարից ստացավ 29 ցենտներ բերք:

Օդեսայի մարզի Բերյոզովսկի շրջանի կոլտնտեսություններում 1952—1953 թվականին աշնանացան ցորենի բերքատվությունը կազմեց միջին հաշվով հեկտարից 19 ցենտներ: Շևչենկոյի ՄՏ կայանի սպասարկման

— 38 —

գոտում այդ կուլտուրայի բերքատվությունը կազմեց հեկտարից 20, 5 ցենտներ, իսկ Ստալինի անվան կոլտնտեսությունը հեկտարից ստացավ 24, 5 ցենտներ բերք՝ 1516 հեկտար տարածության վրա:

1953 թվականին գյուղատնտեսության կարիքների բավարարման համար 3, 8 անգամ շատ մեքենաներ ու սարքավորումներ ան արտադրվել, քան 1940 թվականին: 1946—1953 թվականների ընթացքում արդյունաբերությունը յուրացրեց 220 նոր տիպի գյուղատնտեսական մեքենաների արտադրությունը:

1954 թվականի սկզբներին գյուղատնտեսության մեջ կենտրոնացվել էր մեկ միլիոն 260 հազար տրակտոր (15 ուժանոցի վերածած):

Տարեցտարի ավելանում է հացահատիկային կոմբայնների քանակը: 1946 թվականին կար 147 հազար 700 կոմբայն, 1951 թվականին՝ 21 հազար 200, իսկ 1953 թվականին՝ 292 հազար կոմբայն:

Հացահատիկային տնտեսության մեջ ավարտվում է հիմնական դաշտային աշխատանքների մեքենայացումը: 1953 թվականին տրակտորներով կատարված ցելն ու ցրտահերկը կազմեց 98 տոկոս, ցանքը՝ 91 տոկոս, և կոմբայնային բերքահավաքը՝ 77 տոկոս:

ԱՇԽԱՏԱՎՈՐՆԵՐԻ ԱՂՔԱՏԱՑՈՒՄՆ ՈՒ ՔԱՅՔԱՅՈՒՄԸ ԿԱՊԻՏԱԼԻՍՏԱԿԱՆ ԵՐԿՐՆԵՐՈՒՄ

(ԹՎԻՔ և փաստեր)

Սպառազինությունների մրցավազքը, ուղղակի և անուղղակի հարկերի ավելացումը, սննդի և լայն ըն-
դառման ապրանքների գների անընդհատ բարձրա-
ցումը, մասսայական գործազրկությունը ծայրահեղ
աղքատության և թշվառության են հասցրել կապիտա-
լիստական երկրների աշխատավորներին:

★ ԱՄՆ-ում ռազմական ծախսերը 15 տարվա ըն-
թացքում ավելացել են մոտ 60 անգամ, 1938 թվակա-
նի 1 միլիարդ դոլարից 1953 թվականին հասնելով
58,2 միլիարդ դոլարի: ԱՄՆ-ի պետական ապարատի
պահպանման համար 1929 թվականին ծախսված 4,6
միլիարդ դոլարի փոխարեն 1952 թվականին ծախս-
վել է 22,2 միլիարդ դոլար:

★ Անդրիայում ռազմական ծախսերը 1937 թվակա-
նի 197 միլիոն ֆունտ ստերլինգից 1953 թվականին
հասան 1 միլիարդ 634 միլիոն ֆունտ ստերլինգի:
Ռազմական ծախսերը մեծ չափերի են հասնում Ֆրան-
սիայում և Իտալիայում:

— 40 —

★ ԱՄՆ-ում այս տարի ռազմական նպատակների
համար հատկացված է պետական բյուջեի 66 տոկոսը,
իսկ սոցիալական ապահովությանը, առողջապահու-
թյանը, ժողովրդական կրթությանը և բնակարանային
շինարարությանը՝ միայն 4 տոկոսը:

★ ԱՄՆ-ում քաղաքացիական նպատակներին հատ-
կացվող միջոցները 1954 թվականին կրճատվել են՝
առողջապահության և կենցաղային կարիքների գումար-
ից 860 միլիոն դոլար կամ 22,6 տոկոսով, բնակա-
րանային և կոմունալ շինարարության գումարներից
454 միլիոն կամ 20 տոկոսով, ժողովրդական կրթու-
թյան գումարներից 20 տոկոսով, այն պեպքում, երբ
զորանոցների և ճամբարների կառուցման համար
ամեն տարի ծախսվում է 4,5 միլիարդ դոլար:

★ 1938 թվականին բնակչությանից գանձվող
ուղղակի հարկերը ԱՄՆ-ում կազմում էին 2,8 մի-
լիարդ դոլար, իսկ 1953 թվականին կազմեցին 35
միլիարդ դոլար, աճելով համարյա 12 անգամ:
Բնակչությանից գանձվող ուղղակի հարկերը ավելա-
ցել են՝ Անգլիայում 2 անգամ, Ֆրանսիայում՝ 2,6
անգամ, Իտալիայում՝ 1,5 անգամ: 1950 թվականին
Արևմտյան Գերմանիայում 1 շնչից գանձվող հարկը
եղել է 82,8 մարկ, իսկ 1954 թվականին այն կազմում
է 259,43 մարկ, որն աճել է ավելի քան 3 անգամ:
1954 թվականին Արևմտյան Գերմանիայի օկուպացիոն
ծախսերը կազմում են պետական բյուջեի 35 տոկոսը:

— 41 —

★ Կապիտալիստական երկրներում տարեցտարի ավելանում է հարկատուների թիվը: 1938 թվականին ԱՄՆ-ում հարկատուների թիվը եղել է 3 միլիոն մարդ, իսկ 1951 թվականին՝ 44,3 միլիոն մարդ: Անգլիայում հարկատուների թիվը այդ նույն ժամանակամիջոցում աճել է 4 անգամ, 4,7 միլիոն մարդուց հասել է 15 միլիոն մարդու: Հարկերը հիմնականում գանձվում են բնակչության այն մասից, որը ավելի քիչ եկամուտ է ունենում:

★ Կապիտալիստական երկրներում մեծ գումարներ են կազմում բնակչությանից գանձվող անուղղակի հարկերը: Իտալիայում բնակչությանից գանձվող անուղղակի հարկերը կազմում են ընդհանուր հարկերի 84 տոկոսը, Ֆրանսիայում՝ 64 տոկոսը, Արևմտյան Գերմանիայում՝ 60 տոկոսը և այլն: Ամերիկայի Միացյալ Նահանգներում հարկերը կազմում են ազգային եկամտի 34,3 տոկոսը, Անգլիայում՝ 48 տոկոսը:

★ Ռազմական մրցավազքը տարեցտարի ավելացնում է մանր ֆերմերների կողմից վճարվող հարկերի գումարը: 1952 թվականին ֆերմերների կողմից վճարվող ֆեդերալ եկամտահարկն ավելացել էր 15 անգամ: 1945—1950 թվականների ընթացքում ԱՄՆ-ում քայքայվել են 713 հազար ֆերմերներ:

★ Ֆրանսիայում և Իտալիայում բանվորների ռեալ աշխատավարձը կազմում է նախապատերազմյան մակարդակի կեսից էլ պակաս: Անգլիայում բան-

— 42 —

վորները նախապատերազմյան մակարդակից 20 տոկոսով ցածր աշխատավարձ են ստանում: 1939 թվականի համեմատությամբ 1952 թվականին ապրուստը ԱՄՆ-ում թանկացել է 3 անգամ: 1939 թվականից մինչև 1952 թվականը հացի գինը բարձրացել է ավելի քան 2 անգամ, մսինը՝ 2,9 անգամ, կարագինը՝ 2,6 անգամ, շաքարինը՝ 2 անգամ, կարտոֆիլինը՝ 3 անգամ: Գների բարձրացումը խիստ կերպով կրճատել է բնակչության գնողունակությունը: 1946—1950 թվականներին ԱՄՆ-ում 37 տոկոսով, Անգլիայում 54 տոկոսով քիչ կարագ է գործածվել, քան համաշխարհային երկրորդ պատերազմի նախօրյակին:

★ ԱՄՆ-ում բանվորների և ծառայողների միջին աշխատավարձը 1952 թվականին կազմել է ապրուստի միլիարդում պահանջների 72 տոկոսը, Իտալիայում՝ 50 տոկոսը, Ֆապոնիայում՝ 30 տոկոսը, Արևմտյան Գերմանիայում՝ 63 տոկոսը: ԱՄՆ-ի բոլոր ընտանիքների 70 տոկոսը ավելի քիչ եկամուտ է ստանում, քան պահանջվում է ապրելու միջինում պահանջները բավարարելու համար:

★ Կապիտալիստական երկրներում զնալու ավելի է խորանում տնտեսական ճգնաժամը: Պաշտոնական տվյալներով ԱՄՆ-ի արդյունաբերության արտադրանքը 1953 թվականի հուլիսից մինչև 1954 թվականի հուլիս ամիսը կրճատվել է 10 տոկոսով: Մեկ տարում գործազուրկների թիվը ավելացել է 2 միլիոն

— 43 —

մարդով: Ամերիկայի պրոֆանիտությունների հաշվարկումներով, այժմ երկրում լրիվ և մասնակի գործազուրկների թիվը կազմում է ավելի քան 16, 4 միլիոն մարդ:

★ Վերջին հինգ տարիները բնթացքում գործազուրկությունը ԱՄՆ-ում աճել է 75 տոկոսով, Արևմտյան Գերմանիայում՝ 245 տոկոսով, Ֆրանսիայում՝ 155 տոկոսով, Հոլանդիայում՝ 276 տոկոսով, Յապոնիայում՝ 98 տոկոսով և այլն: Հոռատանի արդյունաբերական բանվորների կես մասը անգործ է: Թյուրքիայում հազարավոր անգործներ ապրում են անտանելի ծանր պայմաններում և շատ բնտանիքների անունով հանդիսանում է խաշած բանջարը:

● Ավելի քան ծանր է դուրացիություն վիճակը կապիտալիստական երկրներում: Միայն 1953 թվականին ամերիկյան ֆերմերների եկամուտները կրճատվել են 2 միլիարդ դոլարով կամ 14 տոկոսով: ԱՄՆ-ի հողագործության միլիատրության տվյալներով սույն թվականի 8 ամիսների եկամուտները անցյալ տարվա համեմատությամբ նորից կրճատվել են 4 տոկոսով: Այս տարվա սկզբին ֆերմերների պարտքերը կապիտալիստական բնկերությունների բանկերին հասնում է համարյա 17 միլիարդ դոլարի:

ՕԳՆՈՒԹՅՈՒՆ ԱԳՏԱՏՈՐՆԵՐԻՆ

ԹԵՄԱՆԵՐ ԵՎ ԳՐԱԿԱՆՈՒԹՅՈՒՆ ԱԳՏԱՏՈՐՆԵՐԻ ԶՐՈՒՅՑՆԵՐԻ ՀՍՄԱՐ

1. ՀՍՅԱՍՏԱՆՈՒՄ ՍՈՎԵՏԱԿԱՆ ԿԱՐԳԵՐԻ ՀՍՍՏԱՏՄԱՆ 34-ՐԴ ՏԱՐԵԳՐԱԶԸ

ԳՐԱԿԱՆՈՒԹՅՈՒՆ

Վ. Ի. ԼԵՆԻՆ.— Ի՞նչ է Սովետական իշխանությունը: Երկեր, հատոր 29, էջ 295—296, Հայպետհրատ, 1951:

Ի. Վ. ՍՏԱԼԻՆ.— Կեցցե՛ք Սովետական Հայաստանը: Երկեր, հատոր 4, էջ 458—459, Հայպետհրատ, 1948:

Գ. Մ. ՄԱԼԵՆԿՈՎ.— Հաշվետու զեկուցում Պարտիայի 19-րդ համագումարին ՀամԿ(Բ)Պ Կենտրոնական Կոմիտեի աշխատանքի մասին, Հայպետհրատ, 1953:

Ա. Ի. ՄԻԿՈՅԱՆ.— Ճառ Երևանի Ստալինյան բնտրական օկրուգի բնտրողների ժողովում: Հայպետհրատ, 1954:

Ս. Հ. ԹՈՎՄԱՍՅԱՆ.— Հաշվետու զեկուցում Հայաստանի Կոմպարտիայի 17-րդ համագումարին ՀԿՊ Կենտկոմի աշխատանքի մասին: Հայպետհրատ, 1954:

2. ԿՈՒՏՆՏԵՍԱՅԻՆ ԱՐՏԱԴՐՈՒԹՅԱՆ ՄԵՋ
ԱՐՄԱՏԱՎՈՐԵՆՔ ԳԻՏՈՒԹՅԱՆ ՆՎԱՃՈՒՄՆԵՐԸ
ԵՎ ԱՌԱՋԱՎՈՐ ՓՈՐՁԸ

ԳՐԱԿԱՆՈՒԹՅՈՒՆ

Գ. Մ. ՄԱԼԵՆԿՈՎ.— Հաշվետու զեկուցում Պար-
տիայի 19-րդ համագումարին ՀամԿ(բ)Պ Կենտրոնա-
կան Կոմիտեի աշխատանքի մասին, էջ 56—72, Հայպետհրատ, 1953:

Գ. Մ. ՄԱԼԵՆԿՈՎ.— Ճառ ՍՍՌՄ Գերագույն Սո-
վետի հինգերորդ սեսիայում, էջ 5—28, Հայպետ-
հրատ, 1953:

Ն. Ս. ԽՐՈՒՇՉԵՎ.— ՍՍՌՄ գյուղատնտեսության
հետագա զարգացման միջոցառումների մասին, զե-
կուցում ՍՄԿՊ Կենտկոմի պլենումում, 1953 թ., սեպ-
տեմբերի 3-ին:

Ավելի մեծ հոգատարություն եկող տարվա բերքի
նկատմամբ, «Պրավդա»-ի առաջնորդող հոդվածը
տպագրված «Ս. Հ.»-ի 1954 թվականի հոկտեմբերի
17-ի համարում:

ՍՄԿՊ Կենտկոմի կոչերը Հոկտեմբերյան Սոցիա-
լիստական Մեծ ռեպուցիայի 37-րդ տարեդարձի առ-
թիվ, տպագրված «Ս. Հ.»-ի 1954 թվականի հոկտեմ-
բերի 24-ի համարում:

— 46 —

3. ԱՊԱՀՈՎԵՆՔ ԱՆԱՍՈՒՆՆԵՐԻ ԿՈՒՇՏ ԵՎ ՏԱՔ
ՉՄԵՌՈՒՄԸ

ԳՐԱԿԱՆՈՒԹՅՈՒՆ

Ն. Ս. ԽՐՈՒՇՉԵՎ.— ՍՍՌՄ գյուղատնտեսության
հետագա զարգացման միջոցառումների մասին, զե-
կուցում ՍՄԿՊ Կենտկոմի պլենումում, 1953 թ. սեպ-
տեմբերի 3-ին, էջ 20—33, Հայպետհրատ, 1953:

Երկրում անասնաբուծության հետագա զարգացման
միջոցառումների և կոլտնտեսականների, բանվորների
ու ծառայողների տնտեսությունների կողմից պետու-
թյանը անասնաբուծական մթերքների պարտադիր
հանձնումների նորմաների իջեցման մասին: Հայ-
պետհրատ, 1953:

Ապահովել հանրային հոտի տափ և կուշտ ձմեռումը:
«Ս. Հ.»-ի առաջնորդող հոդվածը, տպագրված հոկ-
տեմբերի 19-ի համարում:

4. 1954 ԹՎԱԿԱՆԸ ՓԱԿԵՆՔ ԱՐՏԱԴՐԱԿԱՆ ԲԱՐՁՐ
ՑՈՒՑԱՆԻՇՆԵՐՈՎ

ԳՐԱԿԱՆՈՒԹՅՈՒՆ

Գ. Մ. ՄԱԼԵՆԿՈՎ.— Հաշվետու զեկուցում պարտիայի
19-րդ համագումարին ՀամԿ(բ)Պ Կենտրոնական Կո-
միտեի աշխատանքի մասին, էջ 43—56, Հայպետ-
հրատ, 1953:

ՍՄԿՊ Կենտկոմի կոչերը Հոկտեմբերյան Սոցիա-

— 47 —

զիստական Մեծ ռեպրուցիայի 37-րդ տարեդարձի առ-
քիվ, տպագրված «Ս. Հ.»-ի 1954 թվականի հոկ-
տեմբերի 24-ի համարում:

Ս. Հ. ԹՈՎՄԱՍՅԱՆ.— Հաշվետու զեկուցում Հա-
յաստանի Կոմպարտիայի 17-րդ համագումարին ՀԿՊ
Կենտկոմի աշխատանքի մասին, էջ 13—32:

Արդյունաբերության նոր վերելքի համար, «Ս. Հ.»-ի
առաջնորդող հոգվածը, տպագրված 1954 թվականի
հոկտեմբերի 27-ի համարում:

5. ԽՆԱՅՈՂՈՒԹՅԱՆ ՌԵԺԻՄԸ ԺՈՂՈՎՐԴԱԿԱՆ
ՏՆՏԵՍՈՒԹՅԱՆ ՀԵՏԱԳԱ ՎԵՐՆԼՔԻ
ԿԱՐԵՎՈՐԱԳՈՒՅՆ ԼՄԱԿՆ Է

ԳՐԱԿԱՆՈՒԹՅՈՒՆ

Վ. Ի. ԼԵՆԻՆ.— Մեծ նախաձեռնություն: Երկեր, հա-
տոր 29, էջ 501—533, Հայպետհրատ, 1951:

Ի. Վ. ՍՏԱԼԻՆ.— Նոր իրադրություն—տնտեսական
շինարարության նոր խնդիրներ: Լենինիզմի հարցերը,
էջ 422—425, Հայպետհրատ, 1940:

Գ. Մ. ՄԱԼԵՆԿՈՎ.— Հաշվետու զեկուցում պարտիա-
յի 19-րդ համագումարին ՀամԿ(Բ)Պ Կենտրոնական
Կոմիտեի աշխատանքի մասին, էջ 75—83, Հայպետ-
հրատ, 1953:

Աշխատանքի բարձր արտադրողականության հա-
մար, «Ս. Հ.»-ի առաջնորդող հոգվածը, տպագրված
№ 226-ում, 1954:

— 48 —

6. ԿՐՈՆԱԿԱՆ ՍՆԱՀԱՎԱՏՈՒԹՅՈՒՆՆԵՐԻ ԵՎ
ՆԱԽԱՊԱՇԱՐՄՈՒՆՔՆԵՐԻ ՎՆԱՍԱԿԱՐՈՒԹՅԱՆ ՄԱՍԻՆ

ԳՐԱԿԱՆՈՒԹՅՈՒՆ

Վ. Ի. ԼԵՆԻՆ.— Սոցիալիզմը և կրոնը: Երկեր, հա-
տոր 10, էջ 92—98, Հայպետհրատ, 1949:

Վ. Ի. ԼԵՆԻՆ.— Մարտնչադ մատերիալիզմի մասին:
Երկեր, հատոր 33, էջ 267—279, Հայպետհրատ, 1952:

Ի. Վ. ՍՏԱԼԻՆ.— Զրույց ամերիկյան առաջին բան-
վորական դելեգացիայի նետ, Երկեր, հատոր 10, էջ
150—153, Հայպետհրատ, 1949:

ՍՄԿՊ Կենտկոմի որոշումը բնակչության մեջ գի-
տա-առքիստական պրոպագանդա մղելու գործում Թ-
ղած սխալների մասին, տպագրված «Ս. Հ.»-ի 1954
թվականի նոյեմբերի 12-ի համարում:

ՀՐ. ԲՍՏԻԿՅԱՆ.— Երկրի վրա կյանքի ծագման
մասին, տպագրված «Ս. Հ.»-ի 1954 թվականի հոկ-
տեմբերի 13-ի համարում:

Խո. Խմբագրի՝ Վ. ԵՆԳԻՔԱՐՅԱՆ

Բ Ա Յ Վ Ա Ծ Է
„ԱԳԻՏԱՏՈՐԻ ԲԼՈԿՆՈՏ“-Ի
1955 թվականի
ԲԱԺԱՆՈՐԴԱԳՐՈՒԹՅՈՒՆԸ

*Բաժանորդագրությունն ընդունվում է կապի
գրասենյակների և «Սոյուզպեչատ»-ի բոլոր
բաժանմունքներում:*

Հուլիս է տեսնում ամսական 2 անգամ:

ԲԱԺԱՆՈՐԴԱԳՐՈՒԹՅԱՆ ՊԱՅՄԱՆՆԵՐԸ՝

12 ամիսը — 12 ռ.

6 ամիսը — 6 ռ.

Մեկ համարը — 50 կոպեկ

«ՍՈՑՈՒԶՊԵՇՍ.»

**Отдел Пропаганды и агитации
ЦК КП Армении
БЛОКНОТ АГИТАТОРА**

№ 21

1954 г.

ՎՅ 13982

Պատվիր 916

Տիրաժ 7900

*Գլխավորգրաֆհրատի № 2 տպարան, Երևան
Կնուսյանցի № 8, 1954 թ., գինը 50 կոպ.:*